

行之有驗萬不失一上學之士精心而行庶足以稱玉神之功也玉真弟子火鈴仙官會書火鈴司事劉玉存

道法會元卷之一百九十八

道法會元卷之一百九十九

金火天丁神霄三炁火鈴歌

三

混沌赤文太无无始虛皇祖劫初虛皇一炁初无二一炁分三炁始敷三炁因成九霄三三十六天周列侍中有一天曰清微正屬虛皇神霄治霄南丹天至陽明赤文妙化流火庭虛皇妙帝主鍊所最上宮中扁火鈴火鈴玉宮院之左有一玉神曰金火玉光金耀結成儀三月九日圓道果未有天地有此神玉神元是玉真身玉真大羅元始祖浮黎玉清即雙親混元老君稱為叔九億萬天俱統屬天尊天丁一字殊容則皆金相皆玉神靈五炁獨居中五常之中信亦同所以玉神曰天信妙姓曰張名曰忠九筆成忠像九霄姓應後天張月宿綉衣即是五文開那夏張星主文秀神霄法品總五仙保仙內有火鈴傳火鈴妙在金火帥一法能該萬法全職高天將亞四聖位在真君證昭應驅雷役電巡太空歛火天君猶聽命軒轅昔日斬蚩尤天降歛火及龐劉四目苟畢錢陳將佐助黃帝定

遐取玉神時受神霄勅掌握招兵投神職躬持玉篆召萬靈敢有拒命誠霹靂龍漢真武蕩魔精垂赦餘殃後又行穢炁將及上元境玉帝飛符命天丁天丁吸符面嘆血走火乘鈴摧鬼穴風除霆掃化微塵奏凱謝真歸玉闕法中妙用只一符萬變無窮活訣殊玉真密授火鈴帝瑤笈深藏紫炁書流金鳳炁分素紫紫則度生素度死符分三段旨最深貴泥香殊筆硯紙肘後混合靈亦靈祖劫金胎妙合疑火鈴混合時銜逆敢有干試萬剪形或問天丁何處有鈴滿天飛火迤走鈴飛火走起處求便知不在天地後神功收斂寂光音滿湯九霄何處尋有无誠真以相合顯現天丁有赫臨中有告斗及鍊度皆起虛皇金无祖上徹九霄斗九皇中通人身內九府下達九地遍九州混合三才關執抽造化至精至廣大金生火旺妙周流金火火金有順逆雷霆震交搏擊八炎出震雪浪騰隱濕顯燥炎火擲能知混合些妙機流金火鈴隨意飛不知火鈴有混合神雜氣散將安歸三安

丁罡作用異要在分符明立誓鑿天大符劈  
一盤火走雷奔孽鬼壘金火天丁自有罡上  
中未步要參詳步待炁訣要三合妙應上力  
中下方照惡神哉火鈴鏡專治頑邪附崇病  
符訣呪圓鍊始精有一未圓程不映度刑昇

舉在紫文要聚金光瑞火雲一符一符及一  
印三一道捷世罕聞黑龍赤馬炎炎運當出  
霄吏秘無隱普化天師出荅城親荷火師傳  
妙茲火師常時普侍宸真科有禁代一人丁  
二代中兩尸解有兩具為金關門顯入風

師有一更有一番霄吏出每代學人非一員  
要驗何員有仙骨妙法非徒金火名妙存火  
旺與金生金生炁即元始肇火旺乃數靈寶  
英惟有靜養太清水造化一貫玄元始人知  
法有火鈴司豈知火鈴妙獨體助威兼行向

與崔茲品又是火鈴雷若兼號黑暨靈黑又  
是雷陣摧魔臺獨體火鈴有妙道道在禁書  
天所寶丹體不離先天金但要發生火候到  
南天火炁受丹三三炁精微未易參三炁若  
參凝合竅丹成飛步絳霄南化機密運歸神

室炁感妙化成麗質喜時和氣聚一團怒時  
立把風霆叱我昔身為寶府俸火鈴宮麗任  
逍遙自從落與紅塵泥青春已就士林翹兩  
間俯仰精觀察九流百家皆博達紛紛餘子  
莫亂交風節霜姿至高潔垂髮學仙志已堅

年方二七始傳玄每恨玄關未透四參五  
訪又經年斗牛之墟挑桂月兩過至人指妙  
訣為言天寶惟與賢嗣派得賢今合世自從  
參透不二門萬法千門歸一元打成一片工  
夫粹如難抱卵常溫溫昭昭其靈非外假向

來愚處今皆化連綿累曠徒美觀高談異論  
皆虛話十有六字內含真真鍊無差十二辰  
鍊之到兮身洞徹玉光世界無纖塵恍惚中  
間人一箇面目本來無異我我自見我兩俱  
忘不夜通明珠一顆常時如月現秋宵九天

九地皆瓊瑤三華鬱秀光無極三界萬靈皆  
上朝妙哉三華人莫測外發英華由內積有  
時鸞嘖出火輪上天下地皆通赤下功到此  
神霄融此身恍在火鈴宮禱祈誠伐厥聲赫  
告鍊驅治隨願通或向符中震雷電或從空

裏火鈴現這般妙用不一彰有耳皆聞目皆  
見何當一旦滿業緣鳳詔飛下虛皇天流金  
火鈴中黃照清光促爾玉真前昭應真君曾  
有普舉功行人替仙位彼此有過彼此書飛  
奏玉真永沈隨襄劫曾膺玉旨頒每月三日

降人間金容赤髮俄而變專恩良善罰兇頑  
玉神天上共尊貴元始玉真親翊衛火鈴銜  
處萬天瞻有甚雷霆世同畏玉帝親行真未  
分慈愍曾懇大羅尊始勅太皇闈玉笈禁書  
獨授火師君體全用大宗師秘傳者且傳真

上更真機分付散寰區當代真人參始備世  
人知少訪者多豈知禁重在真科此書全壁  
真天寶要且寓火鈴歌  
金門羽客玉真嗣教弟子普化天師林靈素  
謹書

請炁  
法曰每日清晨望東南辰巽之位叩齒九通  
存有宮闈內有碧玉寶座九九八十一層上  
有碧玉九葉蓮為臺真玉身衣碧霞絲金綉  
玉之服絳綉玉之圭金團鸞鳳之裳瓊珮

綉玉金紋之履滿月妙容左右金童玉女真人侍衛次叩齒三十六通祝白具職臣某凡胎肉質走骨行尸歷劫于今罪如山岳伏望虛皇真王神霄大帝普運慈悲曲垂原赦特賜金光玉輝火鈴真炁注臣三焦五臟六腑九宮使臣即得神清氣爽心廣體胖名藉太霄身騰玉闕謝世返質遊宴玉京臣下情無任稽首頓首再拜謹言

叩齒三十六通咽液八十一次心拜九拜定二十七息左展文右劔訣念咒曰

青華玉帝神霄真王扶桑日帝西極月皇四真三炁結碧朗光鎮布三田內外青黃夕春日服上昇金光日月內運丹宮碧房嚙出玉體吸入瓊堂鬼妖自除三尸滅亡三九得七面禮真王

叩齒六通存太陰如小錢大自右目角發光相射八荒入我下丹田心拜五拜再存太陽如小錢大自左目角發光相射八荒入我上丹田心拜三拜再叩齒九通心拜三拜存真王坐八十一層寶臺真王眉心

中流金光灌溉我眉心中想納金炁之炁自天目中入我中丹田上丹田日光下丹田月光中丹田存有青珠光明洞微煥照五臟心拜九拜咽液九次定九息念咒曰神霄真王修鍊金光虛皇玉帝煥發九芒結

為火鈴中包元精元炁之本金火天一念所致神即化形收入丹元與道合真內圓方象外伏羣靈邪魔鬼魅畏伏奔驚金光火雲常單吾身急急如丹霄流金火鈴律令

叩齒九通引炁三十六過咽液二十四過心拜九拜存身中日月心珠發光存天丁在巽叩齒三通存天丁自出金光與我天目金光相射復與我身中日月青珠混而為一粒金丹藏於心腑念咒曰

神霄玉清降命火鈴賜我玉帥金火天丁金生火旺交鍊元神內保形體外伏魔靈鬼精畏伏出語驚人急急如丹霄流金火鈴律令心拜三拜叩齒九通畢

內鍊  
玉律曰正月七日二月一日三月三日四月

五日五月五日六月九日七月七日八月六日九月九日十月二日十一月二十三日十二月二十三日乃天丁奉真王敕旨下降人間察人善惡保舉修真除邪輔正獨丙辰三月九日卯時生於南方契賢世界亦於其日

圓成道果須於此日齋戒精心備赤棗天酒獻以緋錢丹鳳之儀正午時入靖跨鶴坐鼻心腎相對正坐不得低頭側身然後叩齒三十六通心拜三拜左展文右劔訣定九息以舌挂上腭再定九息咽液九次以兩手摩兩

腎九九八十一次想臍腎為巨海水中發火自脊背二十四關十二重樓湧騰而上直至沉九化為金毬於圓蓋之頂運轉九次叩齒九通仍前舌挂上腭定九息咽液九次存火


入口從玉樓下直至心再叩齒三通定九息存心火中出水與腎中所出之火交戰再叩齒九通存肺中金鈴擲發振響太空咽液七次合腎中之水又叩齒一通存脾中金光發咽一道合心存風雷震發金鈴衝擲金光煥發並合心腑再叩齒九通咽七道定七息

存心中有聲如霹靂見天丁馭赤鸞而出昇空發煥金光三元鼎沸金鈴流火遍滿虛空叩齒二十五通自己舌尖出火與天丁交接却心拜九拜叩齒九通雙手摩面及三田各二十四轉吸火蒸入鼻納入口咽之空中天丁再入我心腑赤珠在內天丁不見起伸兩足左右兩手若射弓之勢各九次起坐謝聖畢

鍊鏡訣

書符用雄黃書天丁雜官符念二品咒後加咒曰噤呢噠呢吽噠吽取真光布鏡存為火鈴宮闕玉神居其中矣

心中造化



法曰內金陰外火陽也心曰離卦外本乾陽體中包坤陰所以心為少女也內金精而外火也在藥石曰朱砂書符至靈也其色赤以

應火其水以應金萬物之靈無如天丁稟金剛火烈之炁忠勇冠羣威而不猛人皆有此心如何不敬不懼

金光咒掌圖



出金炁

天地玄宗萬炁本根廣修萬劫證吾神通三界內外惟道獨尊體有金光覆映吾身視之不見聽之不聞包羅天地育養羣生誦持萬遍身有光明三界侍衛五帝伺迎萬神朝禮役使雷霆鬼妖喪膽精怪亡形內有霹靂雷神隱名炁中指拈住噯噯吽吽喇雷霆震驚霹靂靈攝洞慧交徹五炁騰騰以身一登存祖炁彩交射兩脇而上口內作一噯聲震開天目用劍訣出炁炁存金光五形炁衝出頭上金光速出別午急作可炁以火炁之劍覆護由師用之

玉神大作用

存至功曹召將想南方張宿六星現目一閃化為二十六鈴又一閃化為三千六百鈴再一閃化為三萬六千鈴周遍四方却左手掐巳文右手劍訣又腰須更以劍訣運轉以炁一吸自東至南西北其餘不見大呵心炁一口聚成一大火毬在正午位如日初昇內外洞徹火焰烘烘却以舌於口中書一火字既成呵出射其毬覺得愈見炁熾再以舌於口中書一火字呵出射其毬光明愈潔再以舌於口中書一火字呵出射其毬但見金光燦爛天地烜赫煙焰烘烘再念

爛天地烜赫煙焰烘烘再念

火鈴火鈴金火天丁緋衣仗劍速現真形依前運活訣剔出仍呵心炁衝之見有天丁如前服色立於毯中念三字心念舌書手運辰巳午三訣每一字發一訣剔出蓋上見得天丁分明念咒

南極火鈴金火天丁及速離巽宮已來降離門離辰巳午疾降其靈以心為將以炁為神午吾今混合結化成形壬午子運納之成丹午吐之成神子運天地已合德日卯月百

藏輝火急下降與吾合真急急如丹霄流金  
火鈴律令

右咒畢再從百勒至中直上午剔出次用  
玉爐一吸入口納之絳宮則天上之火絨  
不見矣却祝曰

向來出合悉已周圍凡遇指使役遣請天丁  
疾見威靈火急報應摧山倒岳覆地翻天萬  
神齊喏呼聖集仙敢有諸魔奉命不度截以  
黃鉞斬以鑊天令持在手永鎮吾權雷霆元  
隸指揮下呼風哨雨千龍行敢有不順吾道  
者雷斧劈誠如微塵 咒畢叩齒而退

法曰若能依此作用三十六日八十一日  
三百六十日便可以見飛鈴走火吐納成  
形矣

金火天丁妙用在單符隻將手運為訣足步  
為罡凡召時想張宿見我心中悉自舌出呵  
之巽宮見六星化為火鈴復為三十六鈴次  
為三百六十鈴次化三萬六千鈴却左手運  
訣右劍訣運轉聚其鈴化為一火鈴念密咒  
變為金火天丁也密咒三字此乃天丁之心

咒以目上視開目想之存吾心中赤珠內有  
金火天丁自其中出過玉樓度炁關入口自  
舌尖出與外天丁合而為一次念召咒

天丁炁訣

天丁合離卦內陰而外陽內金生水外火生  
火治冷病則發筆向離治熱病則發筆向坎  
陰病則取震宮外陽之火入符陽病則取離  
宮內陰之水入符火取赤焰水取金光皆是  
水火既濟造化也

用符玄變

凡書符平常順筆用生炁入符如治狂邪逆  
筆用煞炁入符變相識之

治溺水發離符次用坎符下水仍先用牽  
命符順筆書之

治精怪良符如斷絕來路擒捉掃蕩告示

司命並用良符逆筆書之

治血崩餘宮平點但離宮筆出下坎宮筆

出上蓋昇降水火也順筆書之

治氣不順坤宮順下平心定炁緩緩書符

坤兌皆可順筆書之

治咳嗽允向下如陰陽不分差童子女兵  
各一人執符剪分符與服一次一道順筆  
治傷寒看陰陽用如熱坎符如冷離符二  
證不分剪符與服順筆書之

治瘧離符三段火字未發時本日五更初

服桃柳枝各七寸七葉荆七皮煎湯調符

灰露過一宿更初冷服車字將發時服下

蛇一段正發時服並用前湯服逆筆服後

或即止或移時發輕皆是符效或吐或瀉

不必疑可再服全符即安仍服坤符以壯

脾胃順筆書之

治六畜允符牛坎符良符離符皆可用也

並逆筆書之

治冤咒坤符順筆書之

治頭痛離符順筆書之

治脾胃及腫坤符直下順筆書之

治嘔逆坤符直下順筆書之

治萬病坤符順筆書之

治惡瘡坎符順筆書之

治眼目非離即坎隨證用書符咒至太陽

真火日精元君存日月燦光兩目皆明又以劍訣存為金刀劍之順筆書之

治斷後良符咒至火山大將存一座火山連天至地塞斷鬼神之路逆筆書之

治心病心風先用離符向上逐出邪炁吹

用八宮平炁定心順筆書之

退水用緋紙作旗書符背書炎火咒掃水

傍坤離符皆可仍先起風逆筆書之

退土坤符逆筆書之

起風巽符逆筆書之

發奏乾符順筆書之

動雷震符逆筆書之

祈晴離符逆筆書之

禱雨坎符逆筆書之

起電離符逆筆書之

奪命用緋紙震符分作五處存天丁分形

變化持符五方追魂却用震符一道存追

到魂魄吸呵入符與服逆筆書之

治癩艾邪殺伐坤符於房前燒仍用緋紙

震符握雷局叩齒五通存五方變雷起天

丁部領五雷自巽來法師吸炁入心念動

雷咒運局撒入就呵入符中存天丁霹靂

一聲大震符中自運三閃為電至發符時

念金光咒青華玉帝咒吸炁入水中劍訣

望病方喫之存金光萬道照射天丁雷神

衝去次退身叩齒五通再存五方變雷起

第一步剔亥存風起二步發局存雷震三

步剔午未呵之存火發逆筆書之

治魘通坎符差女兵雷吏去先用緋紙離

符醋炭熏邪來之方次緋紙坎符告示司

命次離符鎮中堂再用良符貼良方並皆

逆筆書之

萬病難治用乾符存天丁自神霄從天門

而下勅教罪愆降炁入符如久病忽然精

神緩慢不省人事可然燈於病人面前緋

紙震符於影背作用如病勢危急用震符

與天丁立誓將一邊粘文字前就病人房

前化之一邊於病人影上同緋錢化次以

碗覆之却三步罡誡擊

奪命後未安震符分為三截上截打醋炭

熏下截用茅一束以緋錢燒良上存天丁

追捉次用中截存天丁攝到魂魄與病人

吞服逆筆書之

保生咒符平炁順筆書之

催生先用離符醋炭熏之次用咒符向下

順出背書催生符平心定炁起立書符本

難產以桃仁書符桃葉煎湯吞下男左女

右持出順筆書之


加火用離符次就南宮念生神七章加行

火咒存火焰金光隨筆引運照耀十方以

逆筆書之

治瘟邪用良符逆筆書之

玉符玄典



火皎飛光玉女雷霆猛火將軍太微降火火  
將推擲火車飛火前奔火輪萬乘火獸千羣  
火鳥火馬火布乾坤炎火帝君雷火真人火

山大將風火元君太陽真火日精炎君南極  
火鈴金火天丁舌抵上腭

各仗火劍統禦火兵火品大聖火鈴大神速  
燒邪鬼水不存形跡絡繹緜緜赫赫陽光速降

真火攝可攝出蛇舌上  
舌抵上腭出火

上三火字續念天火發攝至口中地火發  
申至下出三昧真火一切發申至巳午未

次於火上虛書八火字每一句剔寅午訣念  
火官火帝火鈴神飛駕火車乘火輪火鈴大

將宋無忌南方火德天門神天雷大將劉忠  
攝火焰連天日月昏地雷大將李用之收攝

萬鬼作坑焚火雷大將周文慶四大神洲建  
火城風雷大將朱永安真火飛來攝邪精金

睛勝蛇千萬丈吐火萬里燒鬼神朱鳳銜火  
九天來飛逐邪精無處存邪祟疾速去

不去祛來火裏焚急急如丹霄流金火鈴律  
令攝

又書一雷字念雷火真君天信之神呪握  
雷局念却於輪上虛書一忠字書時吸天

中金光炁隨筆呵出心念紫景青碧神琅  
玉太丹手招剔入却入意再書火字八箇

念呪剔寅午訣雷字一箇念雷火真君金  
火天丁呪握局於此想東南西北一下火

光火鈴雷電火車萬乘入符天丁霹靂一  
聲大震符中目連三閃為電光口作唵吽

吽音如雷鳴存天上雷公緋衣駕火車自  
天而降地下雷公卑衣駕雷車自地而出

吾身雷公黃衣駕雷車自祖宮天目出三  
部雷公合為一火毬入符就出三字呼呵

喝撒局入符却虛運筆念運雷呪曰  
火輪風急天地通赤內有赤鳥飛騰羽翼遍

燒火宅散滿幽極內外邪鬼盡皆滅跡燒鬼  
為灰鍊鬼為汗聞吾燒鬼天丁急出急急如

神霄玉帝律令

大鈴爇熾已變化八方玄萬神侍衛中永斷  
不祥實急急如丹霄流金火鈴律令

勅爾雷神大集霹靂震驚風雲雷電萬里沸  
騰摧山倒岳滅鬼安人急急如丹霄流金火  
鈴律令

陽日寅午斗陰日午寅斗蛇頭虛書天信  
二字再運筆舌抵上腭呵炁出筆

勅符呪  
吾佩神霄玉璽吾行流金火鈴吾有專將張  
忠遵行號令精專不存二心無為自然道真

達靈上徹九天得三下制萬靈吾行禹步得道飛  
昇眾人欽仰身得長生急急如丹霄流金火

鈴律令勅  
遣將三步罡呪念

風起天門玄雷發震官卯流金火鈴西南發  
衝天霹靂前導火車後從急急如丹霄流金

火鈴律令  
三九得七之說

天三生木三者木之生數五炁中則東方九  
炁是以登神霄之天謂音華故金鈴造化在

先天則為青珠地四生金天九成之則九數  
屬金八卦方位九紫屬離官麗也金火之妙

故後天為赤珠所以離卦離火之陽中包一  
線之陰金所謂地二生火天七成之故七者

乃天之火數八卦中兌居七位為天中之炁

西方七炁正金火之真數然得七者非有三九得七蓋三九二十七也

宗師靈素曰神霄一炁分三三炁成九故二九而得七也

神霄真王寶誥

神霄玉清境華景秀玉宮滿月妙冰姿碧玉翠鸞座虛皇妙法王一炁真元始聖師上靈通化文慧智德應念垂慈高上神霄玉清真王長生萬壽玉天上帝金容玉相統天元聖天尊

道法會元卷之一百九十九

道法會元卷之二百

淳三

金火天丁鳳炁紫書

告斗行持

法師凝神定慮鍊朱墨紙筆咒曰

俱知帝賒蘇叱呵喏嚩吒烏都吒俱着吒波

賴帝吒耶微若吒烏着吒俱囉帝吒耆摩吒

然訶急急如律令

神霄玉清掾玉鍊金童結篆玉女綉文光

明洞照鬼哭神驚大魔降伏惡魅分形乾坤

安鎮正道興行吾今書符物物長生敢有拒

逆霹靂一聲急急如高上神霄玉清真王律

令

結空成篆真炁自生赤書玉字八威龍文保

制劫運使天長存治病斬邪萬生安寧急急

如丹霄流金火鈴律令

北斗九辰中天大神上朝金闕下覆崑崙調

理綱紀統制乾坤大魁倉狼巨門祿存文曲

廉貞武曲破軍高上玉皇紫微帝君大周天

界細入微塵何灾不滅何福不臻元皇正炁

來合我身天罡所指晝夜常輪俗居小人好


道求靈願見尊儀永保長生三台虛精六溥

曲生生我養我護我身形


魁魁魁魁魁魁尊帝急急如律令勒

咒畢書符符成仍以前咒勒之

燈壇式



淨燈壇符



安鎮土地符

